



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

M5.00

PARARE DOMINO PLEBEM PERFECTAM



**Ba nkeloe
likhato-Dr. Moroke**


3

**O e hlaba ka
monkhoane**

5



E INOLA BANA

www.moeletsioabasotho.co.ls


Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Khoeli ea Mosali oa Moafrika e qalile

Basali ba una molemo

Nthabeleng Seithleko

Ele ho keteka khoeli ea Mosali oa Moafrika, Lefapha la Boipaballo 'Mileng le tla ba letšolong la ho ruta basali ka bohlokoa ba ho tseba likoloi tseo ba tsamaeang ka tsona ho phetha mabaka a fapaneng, litaba tsena li tla ba ka la 7 Phato monongoaha.

Basali ba Lesotho ba tla fuoa monyetla oa ho ithuta tsebo ea mantlha ea tlhokomelo ea likoloi le polokeho mebileng ka letšolo la 'Tseba Koloi ea Hao' le hlophisitsoeng ke Lekala la Mesebetsi e Mehola ea Sechaba le Lipalangoang

oa Likamano tsa Sechaba lekaleng leo, Ntumeleleng Ntšekhe ka la 3 Phato monongoaha, o itse morero oa letšolo lena ke ho koala lekhalo la tsebo leo hangata le etsang hore basali ba itšetlehe ka batho ba bang ha koloi e senyeha kapa ha ba tobana le mathata tseleng.

O re koetliso e tla akaretisa lihlooho tse kang tsamaiso ea botsitso ba koloi taolo ea enjene, motlakase le lisebelisoa tsa motlakase tsa koloi, hammoho le melao le mekhoea ea polokeho mebileng.

Barupeluo ba tla boela ba fumane koetliso ea matsoho e kenyeletsang ho fetola lebili le phahlohileng, mokhoa o nepahetseng oa ho lumisa koloi ka lithapo

Ntšekhe o re tsebo ena e tla thusa basali ho itšepa, ho fokotsa litšenyehelo tsa tokiso ea likoloi, le ho ntlafatsa polokeho ea bona le ea basebelisi ba bang ba litsela.

O khothalelitse basali ho nka karolo letšolong lena, a re ho tseba tlhokomelo ea mantlha ea koloi ho ka pholosa bophelo le ho thusa bakhanni ho sebetsana le maemo a tsoahanyetso ntle le ho emela thuso.

Mongoli e Mehola Lekaleng la Mesebetsi e Mehola ea Sechaba le Lipalangoang, Tšepang Koele, o lebelletsoe ho etella pele ketsahalo ena.

Letšolo la 'Tseba Koloi ea Hao' le tsoaroa selemo le selemo ka Phato e le karolo ea boiteko ba lekala ba ho



ka Lefapha la Polokeho Mebileng. Letšolo lena le tla tsoareloa seterekeng sa Quthing.

Puisanong le Mookameli

haeba e na le mathata a 'bettery' le ho hlahloba koloi pele ho leeto ho netefatsa hore e maemong a matle, le ho sheba metsi le oli.

matlafatsa polokeho mebileng le ho aha bakhanni ba nang le tsebo. Haholo basali hore ba be le taolo e feletseng likoloi tsa bona.



Ho na le likhoeli tse ikhethang selemong, tse tsoaetsoeng ho ketekela tse ling tsa lintho tse amahangoang le liketsahalo kahar'a naha kapa ho hopola batho ka makhabane a bona bosebeletsing ba sechaba.

E 'ngoe ea khoeli tse joalo ke khoeli ea Phato eo ka kotloloho ho thoeng ke khoeli ea Mosali oa Moafrika. Ke teng moo basali ka mekhahlelo ea bona ba ketekang ka mekhoea e fapaneng, ha ba bang bona ba tlotloa ka ho abeloa likhau ho latela boikitlaetso ba bona e le basali bosebeletsing ba sechaba.

Ha u tseba u le mosali ho lebeletsoeng ho uena e bile u tseba litokelo le litšoanelo tsa hau 'moho le boikarabello ba hau u le motho oa mosali, u tla utloisisa le ho elelloa bohlokoa ba ho ketekela khoeli ea Mosali oa Moafrika.

Le teng ha oa lekana hore e be u ka re oa keteka, u sa tseba na u ketekela eng. U ka keteka hobane u leboha kapa u ikopela mahlohonolo mererong eohle ea hau, empa kaholimo ho tsena tsohle u lokela ho keteka e bile u ntse u ithahloba.

Mosali ka bo eena o filoe boikarabello bo khethetsehileng ba ho jara le ho hlokomela lesea le sa le ka popelong, le ho nka boikarabello bo feletseng ba ho holisa lona lesea leo ha le se le hlahile.

Boikarabello ke lentsoe le pharaletseng haholo, matla a lona a kola makhabaneng a motho. Ke ka hona ho thoeng mosali ea khabane ke ea bokeletsang khotso ea lelapa la hae, eo liketso le lipuo tsa hae li ka bang molemo ho sechaba ka kakaretso, 'me ea boulelang le ho sireletsa seriti sa mosali.

Matla a mosali a qala kahar'a lelapa la hae le metseng moo a phelang teng. Ka hona linaha tsa Machaba li eleletsoe bohlokoa ba matla a mosali, 'me khothaletso ea e-ba hore basali ba fuoe monyetla oa ho kenya letsoho bosebeletsing ba naha.

Ke khoeling eona ena moo, Mosali oa Moafrika h'a ntse a keteka, a lokelang ho ithahloba le ho matlafatsa makhabane a hae e le mosali, le mefokolo ea hae e se ke ea imela matla ao a nang le oona.

Liketso tsa mofuta ona li lokela basali ba sireletsoe khahlanong le lithekefetso, 'me puso ea naha ka 'ngoe e nke boikarabello ka hoo etsa melao e thibelang bokoeta bona. Bo-ntate khaotsang liketso tsena tse soto holima basali.

Ka mokhoa o tsoanang basali le bona ba ka ba be ntsoeleng ba eme ka maoto ho loanela litokelo tsa bona tsa Mantlha tsa Botho, ba nke karolo liqetong tse etsoang ekaba kahar'a lelapa kapa tse amang puso.

Ha fela mosali a ka tseba matla a hae, o tla tseba moo a tlohang, moo a leng teng hajoale le moo a lokelang ho ea teng. Basali ha ba tsoanele ho thola maemong afe kapa afe, ha feela a kena-kenana le litokelo tsa Mantlha tsa Botho.

Ehlile mosali o tumme ka ho etsa lerata, 'me ha ho be joalo le litabeng tse amang naha ena, ha feela li nka mothinya o sele o ke keng oa tsoala sechaba molemo.

Naha ea Lesotho ka paramente ea eona e ile ea fetisa molao khahlanong le thekefetso ea ka malapeng le molao o fang bahlolohali matla a feletseng holima ntlafatso le ntšetsopele ea malapa a bona. Ke rata haele mona Naha ea Lesotho e ikamahanya le mohoo oa basali ba Afrika o tobang ka katloloho bohlokoa ba basali ntšetsopeleng ea likamano tse mofuthu, le khahong ea moruo oa naha. Basali le bohlokoa.

Ha re paneng likhomo re lebe masimong Basotho, mohoma o kene temeng, hobane se ea lumela selemo, khoeli ke eona, Phato ea makoatle pulula marole, khoeli ea moshanyana se llele ho lisa khoeli tsa hau tsa ho lisa li ea tla bo-Phupu le Motšeanong. Ke khoeli eo ka eona o tla bona ha malihlofa e lusa.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHILENG (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Ba nkhang lefotha ba nkeloe likhato-Dr. Moroke

Nthabeleng Seithleko

Paramente le Ofisi ea Mohlahlobi e Moholo oa Libuka tsa Lichelete (AG) li khothalelitse tšebeliso-no-'moho e matla lipakeng tsa mekhatlo e hlahlobang le ea phethahatso ea molao, ho netefatsa hore likhothaletso tsa litlaleho tsa tlhahlobo ea lichelete li'a phethahatsoa, 'me ba sebelisitseng chelete ea sechaba hampe ba ea ikarabella. Setho sa Komiti e Alosit-seng Tšebeliso ea Lichelete tsa Sechaba. Dr. Tšelisano Moroke, o boletse tsena ka la 4 Phato monongoaha. O re paramente e na le boikarabelo ba molaotheo ba ho beha Lekala la Phethahatso leihlo le ho netefatsa hore litlaleho tsa mohlahlobi li lebisa pusong e ntle le ntlafatsong ea litšebeliso tsa sechaba.

O hlalositse Ofisi ea Mohlahlobi e Moholo e le setho sa bohlokoa se sireletsang boikarabelo ba tšebeliso ea lichelete tsa sechaba ka ho netefatsa hore lichelete tsa sechaba li sebelisoa ka molao, ka katleho le molemong oa baahi. Dr. Moroke o itse leha

Komiti ea PAC e bapala karolo ea bohlokoa tlhokomelong ea tšebeliso ea lichelete, le likomiti tsohle tsa paramente li lokela ho

ikarabellang mafapheng a 'muso ba phethahatso likhothaletso tseo, kaha tlhokomelo e sebetsa feela ha ho e-na le litebello tse

mehato e meng e tla matlafatsa mokhoa oa ho late-la litlaleho tsa tlhahlobo ea lichelete.

O re le hoja linyeoe tse

H'a araba litaba tsena, Motlatsi oa Mohlahlobi e Moholo oa Libuka tsa Lichelete, Paul Letlela, o itse mosebetsi oa Ofisi ke ho etsa tlhahlobo ea lichelete, ho supa moo ho sa lateloeneng melao le ho fana ka likhothaletso tsa tokiso, empa boikarabelo ba ho li phethahatsoa bo matsohong a baaloli ba mafapha a 'muso.

O boletse hore Ofisi e ntse e kenya tšebetsong mokhoa ea morao-rao oa ho sala morao likhothaletso tsa tlhahlobo ea lichelete ho matlafatsa tlhokomelo le ho ntlafatsa boikobelo.

Letlela o boletse a hlalositse hore ka selemo sa 2025 Ofisi e ile ea tekana tumelano ea tšebeliso-no-'moho le mekhatlo e fapakaneng ea tšebetso ea molao le ea puso ho matlafatsa tšebeliso ha ho sebetsanoa le litaba tse hlahang litlalehong tsa tlhahlobo ea lichelete.

O tiisitsee hore leha Ofisi ea Mohlahlobi e Moholo e sa etse lipatlisiso kapa ho qosa batho makhotleng, tšebeliso ena e tla netefatsa hore litaba tse hlokanang lipatlisiso li fetisetsoa mekhatlong e amehang hore e nke mehato e loketseng.



netefatsa hore mafapha a 'muso ao li a okametseng a phethahatso likhothaletso tse tsoang litlalehong tsa Mohlahlobi e Moholo.

O boletse a re paramente e tsoanetse ho etsa bonnete ba hore baokamelj ba

hlakileng, linako tse behiloeneng le mehato khahlanong le ba sa ikobeleng.

Ka lehlakoreng le leng, setho sa PAC Mohlompheli Lephoi Makara, o itse paramente e ntse e nahana ka liphetoho tsa Molaotheo le

ling tsa tšebeliso e mpe ea chelete ea sechaba li fetisetsoa mekhatlong ea tšebetso ea molao, hangata ha li tsoele pele, ka hona ho hloka hloka mekhoa e matla ea ho sala morao ho netefatsa boikarabelo.

Ofisi ea Mohlahlobi e thakhola leano la 2026- 2031

Nthabeleng Seithleko

Ofisi ea Mohlahlobi e Moholo oa Libuka e thakhotse Leano la eona la lilemo tse hlano la 2026-2031 e le karolo ea boitlamo bo bocha ba ho matlafatsa boikarabelo, ponahetso le puso e ntle ka la 4 Phato monongoaha.

H'a hlalisa leano lena, Mohlahlobi e Moholo oa Libuka, 'Mathabo Makenete, o re leano lena le tla tataisa mosebetsi oa ofisi lilemong tse hlano tse tlang, 'me le ipapisitse le lintlha tse 'ne tsa bohlokoa. Tsona li kenyeletsa ho matlafatsa tšebetso le boikemelo ba lichelete ba Ofisi ea Mohlahlobi oa Libuka, ho atolosa le ho ntlafatsa tlhahlobo ea lichelete tsa sechaba, ho phahamisa boleng ba litlaleho hamoho le ho aha bokhoni le bosebetsi.

O boletse hore leano lena le fana ka 'mapa o hlakileng oa ho ntlafatsa katleho le bohlokoa ba tlhahlobo ea lichelete tsa sechaba ka ho ntlafatsa mekhoa ea tlhahlobo, ho atolosa tšireletso ea tlhahlobo, ho matlafatsa tšebeliso, hammoho le ho fana ka boleng bo phahameng ho sechaba le paramente. O boletse a re leano

lena le tiisa boitlamo ba ofisi ba ho khothaletsa taolo e nepahetseng ea lichelete tsa sechaba le tšebeliso e nepahetseng ea matlotlo a sechaba molemong oa Basotho bohle.

Motlatsi oa Mohlahlobi oa Libuka Paul Letlela, o re leano lena le entsoe ka tšebetso e pharalletseng, e kenyelletsang mafapha a fapakaneng e bile e ipapisitse le bopaki. O hlalositse hore le ile la tataisoa ke litekanyetso tsa machaba tsa tlhahlobo le tšebetso

ea liofisi tsa Bahlahlobi ba Libuka, tse kenyeletsang Supreme Audit Institution Performance Measurement Framework le Institutional Capacity Building Framework tsa IDI le AFROSAI-E.

O boletse a re lipehelo tse na li thusitse ofisi ho lekola tšebetso ea eona ka nepo, ho supa likheo tsa bokhoni le ho ipapisa le mekhoa e metle ea machaba. Tšebetso ena e boletse e kenyelelitse lipuisano le paramente, mafapha a 'muso, balekane ba ntšetsopele, mekhatlo ea

tlhokomelo, mekhatlo ea litsebi, mekhatlo ea sechaba le basebetsi ba ofisi.

Balekane ba machaba ba tsoang ho IDI le AFROSAI-E e thoholelitseng Lesotho ka katleho ena, ba re leano lena le tla thusa Ofisi ea Mohlahlobi e Moholo ho ikamahanya le tsoelo-pele ea machaba. Ba boletse hore liofisi tse tsoanang lefatšeng ka bophara li se li amohela mahlale a marang-rang, li etsa litlaleho tsa litsamaiso tsa tlhahlobo, li hlahloba litaba tsa

tikoloho le phetoho ea mae-mo a leholimo, theko ea thepa ea sechaba, merero ea meaho le litaba tse ling tse amang bophelo ba baahi.

Ho phethahatso leano lena la lilemo tse hlano ho tla hloka bonyane chelete e fetang M339Millione. Leha ho le joalo, ka lebaka la khaello ea lichelete, ofisi e ntse e tobane le leqeme la lichelete la M183Millione. Ka hona e ipilelitse ho mafapha a fapakaneng hore ba e tšehetse ho koala sekheo sena e le hore e tsebe ho phethahatso boikarabelo ba eona.



MOELETSI O TŠEHETSA BACHA



Tšeliso Thakholi

Mofumahatsa-na Rapelang Hlohlongoane ea hlahetseng Lithabaneng seterekeng sa Berea, ke mothehi oa khoebo e nyenyane e hlahisang le ho rekisa ‘hot chillies’ e bitsoang Taung Fresh Produce e thehiloeng ka selemo sa 2024, o ntse a tsoelapele ho ipabola ka mosebetsi oa hae o motle oa ho hlahisa ‘hot chillies’ e monate ka ho fetisisa.

Khoebo ena o e qalile lina-kong tsa Mariha, chillies e le teng ka bongata ho boholo. Hang ho ba a qete ho phethela lithuto tsa hae ka Sekolong se Seholo sa Sechaba, ka lebaka la ho ba le lerato la ho ithuta le ho tseba khoebo, h’a ka a itšeka moroalo kapa hona ho emela e marotholi a liphara, e kang ea ho lula feela ho se letho leo a le etsang, a lebelletse ho hiroa o ile a iqalla khoebo ena ea hae hang hang.

LEBAKA LA HO QALA KHOEBO

Le leng la mabaka a maholo a hore ke iqalle khoebo ke hobane ke ithutile hore bacha ba naha ena ba aparitsoe ke leqeme le leholo la mesebetsi, ‘me e itse hang ho ba rakhali oa ka a mphe letsoho kahare ka ho nketsetsa lithupelo tsa hore na ‘hot chillies’ e hlahisoa joang ke ile ka qala ho e pheha. Lebaka le leng ke hobane ke le mocha ea seng a ena le lilemo ke ena le mangolo, ha nkaba ka rata ho tla lula feela ho se

letho leo ke le etsang. Ke ile ka bona e le lehlohonolo le leholo la hore rakhali oa ka a mphe letsoho kahare, ‘me ke ile ka ema ka ea iketsetsa bophelo.

‘Na ke motho ea ratang ho tseba le ithuta lintho tse fapakaneng tse tla ntsoela molemo bophelong. E itse ha ke utloa a qala a buoa ka litaba tsa khoebo ea ho etsa chillies ke ile ka utloa ke tloa ke lerato le thahasello e kholo ea iqalla khoebo ea mofuta o joalo.

KHOEBO EA CHILLIES

Mofuta ona oa khoebo ha se oo keo e tseng sekolong, empa ke ile ka fuoa lithupelo tsa ho ithahisetsa ‘hot chillies’ ke rakhali oa ka. Ka lebaka la ho ba le lerato la ntho eo ke etsang ke ile ka qala khoebo ena, leha eba ho ne ho ntse ho ena le liqholotso mona le mane, empa ka lebaka la lerato la seo ke se etsang ke sa qobelloa ke motho, ha nkaba ka li bona ho hang qalong ea tšebetso ea ka.

TLHAHISO EA HOT CHILLIES

Hantle sehlahisoa sa ‘hot chillies’ se etsoa ka chillies ena eo re e le mang masimong le majareteng a rona mona. Ke e lema jarateng ea lapeng empa hae felile ke e reka ho lihoai tse ling tse nang le eona. Selemong sena ka lebaka la maemo a hloabaetsang a leholimo ke ne ke lemme e ‘nyane haholo, ‘me ka felloa ke eona qetellong ea khoeli ea ‘Mesa, e leng ka pelenyana haholo papisong le mehla. Joaloka-ha ke se ke boletse ke se ke e fumana ho lihoai tse ling. Chillies eo ke eona eo ke et-

sang sehlahisoa se monate sa ‘hot chillies’ ka sona.

‘MARAKA OA HOT CHILLIES

Haele ‘maraka oa thekiso ea sehlahisoa sena o mongata haholo, kaha ho ena le batho ba ntseng ba e batla literekeng tse leshome tsa naha, empa e re kaha ke khoebo e sa ntseng e le nyenyane e ntseng e hola, ke atleha feela ho rekisetsa baji ba lihlahisoa tsa ka ba phelang Maputsoe le Maseru kaha ba le haufinyane. Ba literekeng tse hole ke atleha feela ho ba thusa ha ba tliile Maseru kapa Maputsoe eba le teng ba kentse ‘ordera’ e seng e ntse e lefelletsoe. E be re etsa litokiso le bona hore na re kopana joang hore ba tsebe ho fumana thepa ea bona. Ke taba-tabelo ea ka hore kamoso ha khoebo ena e se e holile e tle ebe le makalana literekeng ho khahlametsa

hirileng ho sebetsa le bona. Morero ke hore bonyane selemong se tlang ha khoebo e se e batla e holile ke hona ke tla batla bacha ba nang le litsebo tse itseng ho sebetsa le bona.

LIQHOLOTSO

Chillies ke sejalo se lengoang ka linako tse itseng ha se lengoe selemo ho pota, ho ba o tla fumana hore ka Phato e leng khoeli ena eo re le ho eona e felile, ‘me ke se ke tlameha ho emisa tšebetso ha nakoana ho fihlela ke boela ke e fumana ka Tšitoe kapa Pherekhong, nakong eo e bang e se e lokile ho tsoa majareteng kapa masimong.

Qholotso e ‘ngoe e kholo ke hore ka linako tse ling libotlolo tseo ke e tšelang ho tsona li na le ho fela leban-keleng leo ke li rekang ho lona Maseru, ‘me sena se khina tšebetso ha nakoana. Nakong eo batho ba e

ho tsoa ho mocha ka mong hore na o na le lerato le thahasello e kae ea hore a tsebe ka bohlokoa ba khoebo. Ho ba khoebo ha se ntho eo motho a ka kenang ho eona feela hobane a batla ho etsa liphaello. Ena le liqholotso tse ngata haholo ho ba ka nako e ‘ngoe o tla fumana hore motho o lahlehelo a feta ka moo a humanang liphaello ka teng.

Mocha o tšoanetse ho ba le mamello ea ho sebeletsa ho ithuta ho tseba ka ho nka malebela ho ba seng ba ntse ba le kahare ho likhoebo. Ho kena kahare ho khoebo ha bacha ho tlii’o re thusa ho loantša lintho tse ngata haholo tse ka senyang bophelo ba bona.

Bacha ke le khothaletsa hore le kene ka bongata kahare ho khoebo hobane e molemo haholo, kaha e tlii’o le ntša bofumeng le tlhokahalo ea mesebetsi le ho matlafatsa moruo oa naha.



sechaba se phelang libakeng tse hole.

TŠEBETSO

Khoebo ea ka ea tlhahiso ea ‘hot chillies’ e sa ntse e le nyenyane haholo hoo ke sa ntseng ke sebetsa ke le mong, ha ke e-s’o ka ba ke eba le bacha bao ke ba

batlang literekeng tse hole joaloka bo Qacha’s Nek, Quthing le Mokhotlong ke sitoa ho ba isetsa ka lebaka la ho sitoa ho fihla hobane ke le hole le bona.

KELETSO HO BACHA

Bacha ho molemo haholo ho kena khoebong, empa

Le ithukhubetse haholo temong kaha ke bone hore ke eona mokokotlo oa naha. E se ke ea eba temo ea chillies feela, empa temo ea lijalo tse fapakaneng tseo le ka tsebang ho iphelisa ka tsona. Ke le lakaletsa katleho le mahlohonolo a mangata bacha ba heso.

Sechache o e hlaba ka monkhoane



Nthabeleng Seitlheko

Lekhotla la Toropo ea Maseru (MCC) le tlositse Majoro Relebohile Sechache setulong, kamor'a hore makanselara a 10 a tšehetse tlhahiso ea ho hloka tšepo ho eena ka la 4 Phato monongoaha.

Tlhahiso ena e ile ea hlalisoa kopanong e khethehileng ea lekhotla, moo bongata ba makanselara bo ileng ba khetha hore Sechache a tlosoe mosebetsing. O ne a qosoa ka ho se hlomphe liqeto tsa lekhotla le ho hloleha ho tsamaisa litaba tsa lekhotla ka nepo.

Hang kamor'a hore a tlosoe, makanselara a ile a khetha Majoro e mocha ea tla etella pele Lekhotla la Toropo ea Maseru e leng Thabo Sefuthi.

Phetoho ena ea boetapele e latela likhohlano tse neng li se li nkile libeke ka hare ho lekhotla, moo makhanselara a 10 ho a 19 a neng a tekenetse tlhahiso ea ho hloka tšepo ho eo.

Har'a liqoso tse ileng tsa hlalisoa ke hore Sechache o ile a etela naha ea China leha ho ne ho boleloa hore lekhotla le ne le hanne leeto leo. Ba boetse ba mo qositse ka hore liofisi tsa lekhotla li ile tsa koaloa nakong eo a neng a le sieo, a sa bui-

sane le makanselara ka maeto a hae a semmuso, le ho tšoara seboka sa bo-ralitaba Ha Thetsane ntle le ho kenyelletsa mokanselara oa sebaka

le Komiti ea Mesebetsi.

Liqoso tse ling li ne li kenyelletsa leeto la hae la Hlakola naheng ea Eswatini hammoho le liqholotso mabapi le boiketlo ba basebetsi, ho kenyeletsa ho se be le mokete oa Keresemese oa basebetsi.

Pele ho likhetho, Sechache o ile a itšireletsa a re liqoso tse khahlanong le eena li thehiloe litabeng tse sa nepahalang le kutloisiso e fosahetseng ea melao ea lekhotla.

Mabapi le leeto la China, o boletse hore le ne le hlophisitsoe ke 'Muso oa Lesotho, 'me ba boholong Lefapheng la Lekala la tsa Machabeng e ne e le karolo ea moifo oo. O ile a re lekhotla ha lea ka

la latela mekhoha e nepahetseng ha le re leeto leo le ne le thibetsoe, a boela a hlalosa hore o teketse tumellano ea bohlokoa molemong oa toropo nakong ea ketelo eo.

O boetse a hana liqoso tsa hore liofisi tsa lekhotla li ile tsa koaloa nakong eo a neng a le sieo, a bontša masoabi hore Motlatsi oa hana e le majoro e se e le e mong oa ba monyatsang, a re mesebetsi ea lekhotla e ile ea tsoela pele ka mokhoa o tloaelehileng.

Mabapi le leeto la Eswatini, o ile a re e ne e le leeto la 'muso, 'me litšenyehelo tsa lona li ne li sa tsoe kahar'a lekhotla.

Leha a ile a itšireletsa, makanselara a ile a mo tlosa setulong, e leng phetoho e kholo boetapeleng ba Lekhotla la Toropo ea Maseru.

Majoro e mocha o lebelletsoe ho etella pele lekhotla ha le ntse le tobane le liphephetso tsa phano ea litšebeletso, tsamaiso ea lekhotla le ho khutlisetsa botsitso kahare ho lekhotla.

Phetoho ena e boetse e tla kamor'a hore Motšeli-si Pelesa a khethoe e le Mongoli e Moholo oa Toropo e mocha, ea ileng a re o fumane mosebetsi o mongata ha a qala, empa o ikemiselitse ho ntlafatsa tsamaiso ea Toropo ea Maseru.



WHO e re ho matlafatsa mehato e seng e netefalitsoe ho kenya keletso ea ho anyesa e tsoang ho litsebi, lenaneong la 'Baby-Friendly Hospital Initiative' le matšolo a tlhokomeliso sechabeng, ho ka thusa haholo ho eketsa sekhahla sa ho anyesa lefatšeng.

Ho anyesa ke
karolo e lokiset-
sang bophelo
bo botle le ho
lokisetsa sechaba se koen-
neng hantle ho koba bokak-

Setsebi se Seholo sa Phepo Mahlompho Ntai, o itse Letsatsi la Lefats'e la ho Anyesa le ketekoa beke ea pele ea Phato selemo le selemo, ka sepheo sa ho holisa tlhokomeliso ka

Mooki oa Bophelo Mamorena Tseke, o hlalositse hore lebesa la 'm'e le fana ka limatlafatsi tsohle le mat-

O ekelitse ka hore ho anyesa ho fumaneha ka nako tsohle, ha ho turu, 'me ho khothalletsoa hore bana ba



Mazenod Tailoring
Prepare good People for The Lord

tailoring@mazenodprinting.co.ls

22 350 224
 +266 50757585

Transforming your image is our Passion

Readily available



World Vision e inola bana



Nthabeleng Seithleko

Ha ngoana a tlohela sekolo ho ea sebet-sa, ha se toro ea hae feela e lahlehang ke bokamoso ba sechaba le moruo oa naha o senyehang. Empa pale ea Relebohile (18) oa Mafeteng e bontša hore ha sechaba se kopana le balekane ba ntšetsopele, bophelo bo ka fetoha.

Kamor'a ho lahlehela ke 'm'ae, Relebohile o ile a sala a se na tšepo. O re ntate oa hae ha ka a hlola a mo hlokomela, 'me ka lebaka la bofuma o ile a qobelleha ho tlohela sekolo ho ea lisa liphoofo. Tsena li hlehelletse potolohong e ntseng e etsoa ke World Vision, tlasa Morero oa Khiri le Tšebeliso e mpe ea Bana, ka la 4 Phato monongoaha.

O re "Ha ke bona bana ba bang ba ea sekolong, ke ne ke ipata hobane ke ne ke hlajoa ke lihlolong. Ke ne ke nahana hore bophelo ba ka bo felile," ho boletse eena.

Empa kajeno o se a khutletse sekolong ka tšehetso ea World Vision Lesotho, o etsa foromo ea bobeli, 'me o re toro ea hae ea ho ba mooki e boetse e tla phela. "Ke tla sebetsa ka thata hore ka letsatsi le leng ke hlokomela nkhono oa ka le ho thusa batho ba bang." Ke Relebohile eo.

Nkhono oa hae Mathabo Ranchone, ea nang le bothata ba pono le kutlo,

o re bofuma bo ile ba mo amoha monyetla oa ho isa setloholo sa hae sekolong. "Ke ne ke sa tsebe hore ho lisisa ngoana liphoofo e ka ba tlolo ea molao le khatikelo ea litokelo tsa bana. Kajeno ke bona bohlokoa ba thuto."

Relebohile ha se eena feela kaha lebatooeng la Phamong, Mohale's Hoek, World Vision e boetse e khutliselitse sekolong bashanyana ba babeli ba lilemo li 12 le 13 ba neng ba tlohetse sekolo ho ea alosa meh-lape. "Re ne re hlorile, re phela ka tšabo le khaello kaha ho lula metebong hore arohanya le batho, ho ba bolutu bophelong ba rona, re thabetse ho khutlela sekolong" ke bona bao.

E mong oa litichere Lino Mabothe Sekolong sa Mathomo sa Phiring



o re phetoho e se e bonahala."Pele bana ba

bangata ba ne ba nyame-la sekolong hobane ba romelloa ho lisa. Kajeno palo eo e fokotsehile haholo, 'me bana ba khutletse liphaposing tsa thuto."A rialo.

A re o hakanyetsa hore ke bonyane 5% ea bana e ntseng e na le bothata bona kamor'a hore batsoali ba fuoe thuto. Ha pejana a re e ne e le bonyane 20% ho lisa 30% ea bana e neng e ameha. "Hangata batsoali ke bona ba hirising bana, bana ba sa tsebe letho ba lefuoa ka liphoofo kapa chelete eo batsoali ba unang molemo ka eona, ba sebelisoa mahala" ke eena eo.

Kananelo Kutumelo ea sebetsang morerong oa

Vision Lesotho, o re morero ona o tšehelitsoe ka lichelete ke European Union, 'me o sebetsa le 'muso le sechaba ho felisa khiri ea bana, ho matlafatsa melao, ho ruta sechaba le ho khutlisetsa bana likolong.

O re le hoja Lesotho le ntse le tobane le qholotso ena, ho se ho ntse ho bonahala katleho. Morero o se o rutile baetapele ba sechaba ba fetang 300, oa fihlela batho ba ka bang 1,959 ka tlhokome-liso, 'me bana ba bangata ba fumane litšebeliso tsa tšireletso le ho khutlisetsoa sekolong.

Lefatšeng ka bophara Mokhatlo oa Machaba oa Basebetsi (ILO) le UNICEF li hakanya hore bana ba ka bang 138mil-

Khiri le Tšebeliso e mpe ea Bana (AECFL) World

lione ba ntse ba hirisoa, 'me ba 54million ba etsa mesebetsi e kotsi e behang bophelo le kholo ea bona tlokotsing.

Banka ea Lefatše e bontša hore khiri ea bana e sitisa kholo ea moruo hobane bana ba sa fumane thuto ba hola ba se na litsebo, ba fumana meputso e tlase, tlhahiso ea naha ea fokotseha, 'me bofuma bo fetela melokong e latelang. Ho tsetela thutong le tšireletsong ea bana ke moth-eo oa kholo ea moruo e tsoarellang.

Pale ea Relebohile e paka hore tharollo e teng. Ho khutlisetsa ngoana sekolong ha se ho fetola bophelo ba hae feela ke ho aha moruo o matla, ho fokotsa bofuma le ho sireletsa bokamoso ba Lesotho.



LHDA e keteka ka temo ea lifate

Tšeliso Thakholi

Ele ho tšoaee lilemo tse 40 Morero oa Metsi a Lihlaba tsa Lesotho (LHDA) o thehiloe, Letona la Tikoloho le Meru Mohlomphehi Thabo Mofosi o thakhotse ka molao ketekelo ea LHDA ea ho tla lema lifate tse 40,000 naha ka bophara, ka ho lema lifate tse 500 tsa mefuta e fapakaneng ea liapole serapeng sa kopanelo sa Matšoaana-fike. Tšebeliso ena e bile Ha Molapo seterekeng sa Botha-Bothe mafelong a beke a tsoa feta.

H'a thakhola ketekelo ena ea lilemo tse 40 LHDA e sebetse kahare ho sechaba sa Basotho, Mohlomphehi Thabo Mofosi o boletse hore thomo ea mantlha eo Lekala la habo le e fuoeng, ke ho bona hore lihloliloeng tsohle tsa naha lia baballoa le ho baballeha. "Le tseo e bang li senyehile li khutlisetsoa boleng ba tsona." O boletse joalo.

A bontša hore ba boetse ba lebelletsoe ho fana ka tataiso e amanang le maemo a leholimo, a ka thusang lihoai le sechaba ho etsa liqeto tse tla beha litholoana tse hlabosehang kahare ho sechaba sa Basotho. A re ha ba ntse ba etsa boikarabello ba bona, ba lebelletsoe ho bona ba fokotsa bofuma kahare ho naha, le ho thehela Basotho mesebetsi e mengata e kang ea boipheliso joaloka ea temo ea lifate tsa litholoana le tsa meru.

A re ka temo ea lifate tse 500 tsa litholoana, tebello ke hore sechaba se tla iphelisa ka tsona ka ho hlalisa mesebetsi e kang ea tlhahiso ea mangangajane a ka rekisoang, le ho etsa jeme e ka tšeloang ka libotlolong. "Re lokela hore re se ke ra lemela feela ho ja, empa re boele re rekise. Lifate tsena tse lenngoeng mona ke tse ntlafalitsoeng tsa maemo a holimo le theko e boima haholo." O boletse joalo a bile a ipiletsa ho sechaba ho baballa le ho sireletsa lifate tsena e le hore li tle li ba tsoele molemo.

A ipiletsa ho bahlanka bohle ba Lekala ho tšoarana ka matsoho le LHDA morerong ona oa bona oa ho lema lifate tse 40,000 naha ka bophara, e le ho tšoaee ketekelo ea lilemo tse 40 e sebeletsa Basotho ka ho ntlafatsa bophelo ba bona.

Monghali Khalaki Nthejane ho tsoa Lefapheng la Morero la Tlhokomelo ea Tikoloho le Lihloloeng o itse ba fuoe mesebetsi oa ho hlokomela tikoloho hohle, moo Morero oa Metsi a Lihlaba tsa Lesotho o sebetsang teng, e le hore ho se ke ha fumaneha e le ka tlaase ho boo e bo fumaneng e le ho bona pele Morero o qala, "e ka mpa ea ntlafala ho feta mono."

A re mesebetsi eo ba etsang ea ho sebetsana le tikoloho ba etsa ka kopanelo le sechaba se

phelang libakeng tseo ba sebetsang ho tsona. Ka hona ba ile ba ikeletsa hore ba tle ba atlehe ba ile ba khothaletsa sechaba seo ba phelang kahare ho sona ho iketsetsa mekhatlo, e

le hore kaofela ba tle ba tsebe ho nka boikarabello. "E se ke ea eba boikarabello ba marena le bakhethoa ba puso ea libaka feela ho hlokomela tikoloho empa ebe ba bohle."

A tiisa hore kaofela ba sebetse 'moho ho bona hore tikoloho e'a baballeha le ho hlokomela, e le hore e tsoele sechaba molemo le hore batle ba fumane metsi, ho ba ha tikoloho



e sa hlokomela Morero ha ona ho ba teng hobane ho tla omella e be ho fetoha lehoata-ta.

Mohokahanyi oa Lekala la Tikoloho le Meru Mofumahali Lineo Basi, o itse ka lebaka la tšebeliso-'moho e mofuthu le LHDA ba sebetse 'moho mafapheng a fapakaneng ho etsa meralo selemo le selemo. A re kamor'a tšebetso ena ea temo ea lifate ho lokela hore ba tli'o etsa meralo e hlakileng le sechaba hore na lifate tsena ba tli'o etsa joang ka tsona hore li tle li tsebe ho ba atlehela. A supa hore kamor'a lilemo tse itseng lifate tsena li tla be li ena le litholoana, 'me ba lokela ho etsa meralo ea hore na ba tli'o e tsa joang ka tsona.

A hlokomelisa sechaba hore liapole tsena tse lenngoeng li tle li se ke tsa fella feela, "li tle li re thuse hore re intlafatse ka tsona ka ho ba le chelete. Haeba kamorao ho temo ea lifate tsena re ka tšoaana leha li ne li e-s'o fihle ka 'nete e tla ba ha re sebetse hantle."

Bohanyetsi bo fineletsa 'muso likobo molaleng

Nthabeleng Seitlheko

Ele ho susumetsa puso ea molao le tlhopho ea molao motheo tšebetsong ea 'muso o etelletsoeng pele ke Tona-Kholo Samuel Ntsokoane Matekane. Moetapele oa Bohanyetsi Paramenteng Mathibeli Mokhothu o taboletse 'muso lengolo le supang ha bao ba tsoile tlaase puso tsa bona tse 'maloa. Lengolo le ngotsoe ka la 3 Phato monongoaha, 'me polelo ena e kopanetsoeng ke mekha ea bohanyetsi

E re taba ena e se e fihlile boemong bo senyang Molao oa Motheo le puso ea sechaba ka sechaba, hape e nyenyefatsa botšephehi ba naha.

Bohanyetsi bo ikemiselitse ho sireletsa puso ea sechaba ka sechaba le puso ea molao, boikemelo ba makhotla le lipuisano tsa naha tse nang le molelelo. Tsena ke tsona methoe eo liphetoho tsa naha tseo e ileng ea theoa holim'a tsona. Leha ho le joalo, liphetoho tsa Molao oa Motheo li ke ke tsa e-ba le molelelo ha 'muso ka boona o bonahala o sa ikemisetsa ho latela Molao oa Motheo le liqeto tse molaong tsa makhotla.

Lekhotla lena le matla a ho fana ka taelo, ho e latela ha se khetho, kaha Molao oa Motheo o tlama bohle boetapele bohle ba sechaba, ntle le haeba taelo eo e fetoloa kapa e hlakoloa ke Lekhotla le Phahameng.

Ka bomalimabe, liketsahalo tsa morao tjena li bontša mokhoa o ntseng o ata oa ho se latele liqeto tsa makhotla ke litsi tsa 'muso. Har'a tsona ke tsena:

Adv. Tlotliso Polaki (Monamoli) khahlanong le Tona-kholo le

ba bang (CC 0005/2026). Ka la 29 Phupjane 2026, Lekhotla la Molao oa Motheo le ile la laela hore Monamoli a tsoele pele ka mesebetsi oa hae ho fihlela nyeoe e phethoa. Leha ho le joalo, o ntse a sitoa ho kena ofising ea hae kaha linotlolo li ile tsa fetoloa, e leng se mo sitisang ho phetha mesebetsi ea hae.

Mokhatlo oa Liakhente Lesotho khahlanong le Tona-kholo le ba bang (CC/0016/2025). Ka la 25 Loetse 2025, Lekhotla la Molao oa Motheo le ile la fuma hore ho emisoe ha Motsamai oa Liqoso tsa Sechaba, Adv. Hlalefang Motinyane, ho ne ho se molaong, 'me la laela hore a khutlisetsoe mesebetsing. Empa ha a itlaleha hoba mesebetsing, ho tlalehoa hore o ile a haneloa ho kena ofising hobane linotlolo li ne li fetotsoe.

Adv. Mathabo Mokoko khahlanong le Boto ea RSL le ba bang (LC/106/2025). Ka la 17 Tšitoe 2025, Lekhotla la Basebetsi le ile la laela hore Moetalele Kakaretso oa RSL a khutlisetsoe mesebetsing ho fihlela nyeoe e phethoa. Taelo eo ha e-s'o kenngoe tšebetso.

Lietsiso Morthala le ba bang ba 76 khahlanong le Motsamai Kakaretso oa Mautloela (NSS) (C of A (CIV) 60/2025). Ka la 7 Pulungoana 2025, Lekhotla la Boipiletsa le ile la laela hore basebetsi ba 77 ba Mautloela ba khutlisetsoe mesebetsing. Qeto eo le eona ha e-s'o phethahatsoe.

'Mating Mahooana khahlanong le Mongoli e Moholo oa Puso ea Libaka le ba bang (LC/28/2026). Leha Lekhotla la Basebetsi le ile la fana ka taelo ka la 2 Phupu 2026, Mofumahali Mahooana o ile a lelekoa mesebetsing ka mokhoa o sa

lumellaneng le taelo ea lekhotla.

Liqeto tsa makhotla mabapi le meputso le mekoloto ea litho tsa Setsi sa Tihabollo ea Batšoarua (LCS), ho kenyeletsoa nyeoe ea Mokhatlo oa Basebetsi ba LCS le Mokomishinara ea neng a tšoare molemo (2018), li ntse li emetse ho kenngoa tšebetsong.

Liqeto tse amanang le meputso ea marena a manyenyane le tsona li liehile tsa nka nako e telele, leha li se li entsoe ka mekhoe e amohelang ea tharollo ea likhang.

Nyeoe ea LC/REV/57/22, e ileng ea ahloloa ka la 7 Pulungoana 2023, e ile ea bolela hore Basebetsi ba tsa Bophelo Metseng ke basebetsi ba Lekala la Bophelo ba nang le tokelo ea moputso o tlase o behiloeng ke molao. Leha ho le joalo, qeto eo e ntse e liehile ho kenngoa tšebetsong.

Le hoja nyeoe ka 'ngoe e na le maemo a eona, ka kakaretso li bontša mokhoa o tšoenyang oa ho se latele liqeto tsa makhotla. Sena se nyenyefatsa bohloko ba Molao oa Motheo, se fokotsa tšepo ea sechaba tsamaisong ea toka, ebile se beha puso ea sechaba ka sechaba

tlokotsing.

Bohanyetsi bo tšoenyehile hore boemo bona bo nyenyefatsa tšebetso ea liphetoho tsa naha, tseo sepheo sa tsona e leng ho matlafatsa puso ea molao, boikemelo ba makhotla, boikarabello le tšepo ea sechaba ho 'muso.

Ka hona bohanyetsi bo kopa Tona-kholo hore ho netefatsoe hore liqeto tsohle tsa makhotla tse sa ntseng li emetse li kenngoa tšebetsong hang-hang ntle le liphelelo. Makhotla 'ohle a 'muso, mafapha le balaoli ba sechaba ba laeloe ho latela liqeto tsohle tsa makhotla ntle le tiehiso.

Ho thehoe mokhoa o sebet-sang oa ho sala morao le ho tiisa hore liqeto tsa makhotla lia phethahatsoa. 'Muso o tiise phatlalatso ea boitlamo ba oona ho Molao oa Motheo, puso ea molao le boikemelo ba makhotla.

Ka lebaka leo bohanyetsi bo tsebisa ka molao hore bo emisa hang-hang ho nka karolo litšebetsong tsohle tsa liphetoho tsa naha, ho kenyeletsoa likopano, lipuisano le mesebetsi eohle e amanang le liphetoho, ho fihlela 'muso o kenya tšebetsong liqeto tsohle tsa makhotla tse ntseng li emetse.





TSA KEREKE

Mobabatsehi Mabathoana lilemo li 60

Tšeliso Thakholi

Kereke e Katholike Lesotho e tšoaile selemo sena e le sa ho hopola bophelo le boseleletsi ba Moarekabishopo oa pele oa Kereke e Katholike Lesotho, Mobabatsehi Emmanuel Mabathoana OMI, kaha a se a ena le lilemo tse 60 Morena Molimo a ne a 'miletse leholimong la hae ka selemo sa 1966. Mokete ona o tli' o tšoareloa Parishing ea 'Ma-Jesu, Roma, ka la 19 Loetsoe monongoaha.

Moiloa, Bro. Emmanuel Nketu, Bro. Paul Thelingoane le Bro. Sammuel Ranku. Tšebeletso ena e tla tšoareloa Kerekeng e Kholo ea Maria Mofumahali oa Tiholo, Maseru, ka la 20 Loetse monongoaha. Mobabatsehi Emmanuel Mabathoana OMI o ne a hlahele Mafikeng tikolohong ea Roma ka la 29 Tšitoe 1904, e ne e le nako ea Keresemese. Ke ka lebaka lena nalane e supang hore har'a tse ling tsa lintho tseo a neng a li rata haholo ke lebitso la Mohalaleli eo a rehelet-

prista bo Halalelang e le setho sa Kopano ea Mao-blata a Maria ea Senang Sekoli. Ka la 25 Tlhakubele 1953 a tlotsetsoa ho ba Mobishopo oa pele oa Tikoloho ea Leribe. Ka la 3 Pherekhong 1961 ea eba Moarekabishopo oa pele oa Tikoloho e Kholo ea Maseru. A hloka hahalla sefophaneng a le leetong la ho ea Pretoria, Afrika Boroa ka la 19 Loetse 1966, ho setse beke feela Naha ea Lesotho e fumana boipuso.

(Li sa tla).



Ho ea ka phatlalatso ea Seboka sa Babishopo ba Kereke e Katholike Lesotho, Kereke e ririle ho hopola le ho tlotla mohlanka enoa oa Molimo eo e bileng senatla sa tumelo ka mekhoe e fapakaneng, e kenyeletsang har'a e meng peho ea badiakone ba bane Mokhahlelong oa Boprasta bo Halalelang e leng Bro. Bartholomy Tšoeunyane, Bro. Augustinus Ngatane, Bro. Sylvester Letlaka le Bro. Michael Rantho e tlang hoba Parishing ea 'Ma-Jesu hona mohlala let-satsi la mokete o moholo. Athe letsatsing le hlahlamang e tla ba tlhohetso ea 'bo-brother' ba bane Mokhahlelong oa Modiakone e leng Bro. Peter

soeng ka eena e le Emmanuel. Mobabatsehi Emmanuel Mabathoana o kene Sekolo sa Mathomo sa Kopano ea Baitlami ba Lelapa le Halalelang, empa h'a le lilemo li 13 a kena ho sa Kopano ea Marist Brothers 'Kolecheng' ka moo se neng se bitsoa ka teng, moo a ileng a ipaka e le moithuti ea bohlae haholo ka ho hlaha mae-mong a pele ka mehla sehlopheng sa hae. Ka selemo sa 1924 ea eba e mong oa baithuti ba bararo ba pele ba ileng ba ithutela Boprasta bo Halalelang Sekolong sa Koetliso ea Baprasta sa Augustinus ea Halalelang. Ka la 28 Phupjane 1934 a hlhoesetsoa Mokhahlelong oa Bo-

Thapelo ea Khotso

Oho Molimo oa toka le khotso, re hlonolofatse rona baahi ba Lesotho, 'me u re thuso ho phela khotsoeng le leratong la hao. "Morena, nketse mosebeletsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tšoarelo. Moo lipelaelo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli. Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisoa, ke mpe ke tšelisoe ba bang. Ke se ipatlele ho utloisisoa, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang. Hobane ke ka ho fana, re fumanang, ka ho tšoarela, re tšoareloang. Ka ho shoa, re tsoalloang bophelo bo sa feleng.

Amen."

2025-2026 SELEMO A

SONTAHA SA 19 HAR'A SELEMO



Likhosi 19:9.11-13
Pesalema 84
Ba-Roma 9:1-5
Matheus 14:22-23



Khothatso

Peterosi o tsamaea holim'a metsi

Re sa hopola ka tsatsi le leng, Jesu le baapostola ba hae ba nae ba e-ea nahathothe ho ea phomola, empa ha ba filha lebopong la letša ka sekepana, ba fuman sechaba se sengata se emetse Jesu. Ka lerato la hae le se nang moeli, Jesu a se ruta, a folisa bakuli ba sona, 'me a se fepa ka mokhoa oa mohlolo ka ho atisa mahobe a mahlano le lhlapi tse peli. Baapostola ba neng ba thabetse ho fumana letsatsi la phomolo, ba tlameha ho thusa ho fepa sechaba sena se sengata. Batho ha bona se etsahetseng ba rata ho qobella Jesu ho ba Morena. Baapostola na ne ba sa nahane hore litaba li tla tsamaea joalo, empa le bona ba thaba; ha ho pelaalo, ba ne ba hopola hore e se e fihlile nako ea ho hloma 'muso oo Jesu a buileng ka oona ha e sa le.

Empa Jesu eena o n'a tseba hore nako ea hae ha e-s'o fihle le hore 'muso oa hae hase oa lefatše lena. Ka hona a phakisa a laela baapostola ho tsamaea ka sekepana le ho mo etella pele ho ea mose ho leoatlle, ha eena a tla sala a le mong ho qhala matsoele.

Joale baapostola ba kena sekepaneng sa bona, ba sa utloisiso hantle hore na ho etsahala'ng. Jesu eena a qhala matsoele a n'to nyolohela thabeng a inotši ho ea rapala. A rapela joalo karolo e kholo ea bosiu. Baapostola ba ne ba le bothateng leoatleng ka baka la boima ba moea le maqhubu.

Phalimehong ea bona bosiu, Jesu a tla ho bana, a nts'a tsamaea holim'a metsi a leoatlle. Ba hopola hore ba bona sethatsela. Empa Jesu a re ho bona: "Ke 'na, le se ke la tšaba." Leha ho le joalo ba ne ba tšohile haholo ba belaela. Peterosi a rata ho ikholisa hore efela e le Jesu, a re: 'Haeba ke uena, Morena, laela hore ke tle ho uena, holim'a metsi.' Jesu a mo lumella, a re: "Tloo." 'Me, ka matla a Jesu, Peterosi a tsamaea holim'a metsi, a ea ho eena.

Moea o n'o le matla. Peterosi a tšoha, 'me hang a qala ho teba, empa a hooa, a re: "Morena, mpholose." Jesu a mo pholosa, feela a mo khalemela ka baka la lipelaelo tsa hae le ho fokola ha tumelo ea hae. Ba hloella sekepaneng, 'me moea oa khaotsa. Joale baapostola ba bang bohle ba lumela, ba re: "Ruri, u mo Mora oa Molimo."

Tsena tsohle li ile tsa etsoa bosiu, ho se lereta. Jesu o tloaetse ho bua le meea ea rona joalo, khutsong ea thapelo. Ke seo thuto ea pele e qotsitsoeng Bukeng ea Likhosi e re bolellang sona. Moprofeta Elia o n'a le leetong la thapelo ho ea thabeng ea Horebe. O n'a tseba ke moo Moshe a neng a tloaetse ho teana le Morena Molimo hona teng, 'me o n'a tšepa ho mo fumana le eena ka mokhoa o tšoanang. A fela a mo fumana holima thaba, e seng har'a moea o matla o tsukutlang lithaba, e seng tšisinyehong ea lefatše kapa har'a mollo, empa moeeng o mosesane.

Ke 'nete Moea o Halalelang o ne o theohela holim'a baapostola ka letsatsi la Pentekaonta har'a moea oa sefefe. Ke 'nete le teng hore Kriste o ne a ithahise ho Saule tseleng ea Damaseka ka leluoatsana. Empa hase tloaelo ea Morena Molimo ho ithahisa joalo meeng ea batho. Tloaelo ea hae ke ho bua le batho khutsong ea thapelo, har'a moea o mosesane.

Thuto ea kajeno ke hore Kriste o na le rona kamehla. O n'a re tšepise joalo: 'Ke tla ba le lona ho fihlela bofelo ba lefatše.' Tsietse ke hore, ka baka la lerata la lefatše le metouto ha re mo elelloe, ha re mo hlokomela, ha re mo utloe. O fela pel'a rona re sa 'mone. Ho thata ho mo fumana har'a marata a lefatše.

Jesu o re bontšitse mohlala. Leha a ne a sebetse le batho kamehla, o n'a ipolokela nako tsa khutso, a tle a tsebe ho hloella thabeng a inotši, hole le batho, ho ea rapela ntata'e. Ha a ne a sitoa ho rapela motšea, o n'a rapela bosiu, 'me thapelo ea hae e ne e le telele. Ke tšoanelo ea rona ho rapela joalo. Ha re se na sebaka se sengata sa ho rapela ka tsatsi le leng le le leng, ka baka la mesebetsi e meng ea rona e re tlamang, re tšoanetse ho rapela ka Sontaha. Ho feta moo, nako le nako, re leke ho fumana mokhoa oa ho etsa reterete, ke hore nako ea boikhutso, hole le marata a lelapa le a motse, ho bua halelele le Molimo, le ho utloa mantsoe a hae le thato ea hae ho rona.

Thapelo e etsoang Kerekeng ka Sontaha re e-na le ba bang, ke thapelo ea bohlokoa, hobane ke thapelo ea sechaba sa Molimo se phuthelileng hammoho; thapelo ena ea hloka hahla. Empa thapelo e 'ngoe e teng e hloka hahlang 'me e monate, ke eona e etsoang ka khutso, ho se lerata, ho sa binoe lifela, ho sa utloahale mantsoe, empa re mamaetse Kriste ea re nyenyeletsang thato ea hae, 'me o bopa moea oa rona hore o tšoane le oa hae.

Thuto e 'ngoe ea kajeno, ke hore re tšoanetse ho matlafatsa tumelo ea rona le ho etsa hore tumelo ena e itšetlehe ka Kriste. Re beha tšepo ea rona ho eena, 'me re se ke ra belaela, hobane pelaalo le tšabo li fokotsa tumelo 'me ha li le teng matla a Kriste holim'a rona a fokotseha. Morena, re pholose!

Bahalaleli har'a Beke

10	Phato	Blane
11	Phato	Lelia
12	Phato	Just
13	Phato	Junian
14	Phato	Eusebius
15	Phato	Alipius

Lesotho le boemong ba bo-33



Tšeliso Thakholi

Linaha tse peli tsa Afrika e leng Lesotho le Zambia 'moho le Sehleke-hleke sa Nauru se ka Boroa ho Leoatle la Pacific, li hlahile boemong ba bo-33 kamor'a ho bokeletsa limentlele

tsa Bronze tse peli naha ka 'ngoe, litlholisanong tsa Linaha tsa Selekane (Commonwealth), tse bileng Glasgow, Scotland ho tloha ka la 23 Phupu ho isa la 2 Phato 2026. Litlholisanong tsena palo ea limentlele ke eona ea bohlokoa haholo lipapaling

ka mefuta ea tsona, kaha selemo le selemo linaha li behoa lethathamong la boemo ba linaha tsa lefatše ho ipapisitsoe ka palo ea limentlele le boleng ba tseo e li fumaneng. Naha e nang le limentlele tsa Khauta tse ngata e nka maemo a pele ho sa tsotelloe hore na e

fumane palo e kae ho tse ling. Ka hona limentlele tse shejoang qetellong ke tsa Silifera le Bronze. Ho sa le joalo, Naha ea Australia ke eona e li hulang pele ka ho ba le limentlele tse ngata ka ho fetisisa tsa Khauta e leng tse 70, ho kenyeletsoa le tsa Silifera tse 45 le Bronze tse 56. E lateloa ke England ka tse 29 tsa Khauta, Silifera tse 45 le Bronze tse 36. Maemong a boraro ke Canada ka Likhuta tse 19, Silifera tse 20 le Bronze tse 23. Naha ea Lesotho e boemong ba bo-33 lefatše ka bophara ka limentlele tsa Bronze tse peli, 'me e maemong a tšoanang le Zambia le Sehleke-hleke sa Nauru ka ho ba le Lisilifera tse peli naha ka 'ngoe. Afrika Boroa, Kenya, Mauritius le Cameroon li ka holimo ho Lesotho, kaha kaofela ha tsona li ena le likhau tsa Khauta tseo li li fumaneng lipapaling tse fapakaneng. Lesotho le ile la fumana limentlele tse peli tsa Bronze papaling ea litebele, moo Bronze ba pele bo ileng ba hapuo ke Pooana Khoahli boimeng ba 65kg ho banna, ha ka ho basali bo hapiloe ke Rapelang Maselela boi-

meng ba 57kg. Maselela ke mosali oa pele oa Lesotho oa ho hapa mentlele lipapaling tsa Linaha tsa Selekane. Pooana Khoahli o ile a loana le Ziggy Agathe oa Mauritius moo a ileng a bontša talenta le boiphihlelo ba hae ka ho mohlola ka lintlha tse 5-0. A fetela ho Seka-makhaolakhang moo a ileng a hloloa ke Jacob Cassar oa Australia. Haele Rapelang Maselela le eena o ile a sebetsa ka boitelo bo boholo, empa a tla hloloa ke Jaismine Jaismine oa India ho makhaola-khang. Tšepo ea Lesotho e ile ea tima joaloka lebone la nkuke ha likhalala tsa mabelo a makhutšoanyane e leng Mojela Koneshe ka 100m, Manqabang Tsibela ka 400m le Nthabiseng Letokoto ka 10 000m ba neng a lebeletsoe hore ba tla e ketsa limentlele tsa Lesotho ka ho hapa mabelo ana, ba ile ba hloleha le ho fihla ho makhaola-khang. Ka hona Lesotho le tla le hapile limentlele tse peli feela lipapaling tsena. Lesotho le ne le kenetse lipapali tsa monongoaha tsa Linaha tsa Selekane ka lipapali tsa litebele le mabelo a makhutšoanyane.

FCL e tla tšoara litlholisano

Tšeliso Thakholi

Mokhatlo oa Lesotho oa Papali ea Libaesekele(FCL) o tliil'o tšoara Litlholisano tsa Machaba tsa Libaesekele tsa Mebileng, e le ho tšoaea letsatsi la ketekelo ea FCL. Litlholisano tsena li tliil'o tšoareloa Boema-fofane ba Machaba ba Moshoeshe I, Mazenod, ka Moqebelo oa la 8 Phato monongoaha. Ho ea ka phala ea FCL Liteboho Letlala 'China' ka moo a tsejoang ka teng, o re litlholisano tsena li tšoaroa selemo le selemo nakong ea Mariha, boteng ba mpoli oa libaesekele tsa tseleng ho bona hore na o ntse a ka tseba ho sireletsa sekola, le ho matlafatsa maemo a sepalami ka seng boemong ba mathathamo a Mokhatlo oa Lefatše oa Libaesekele(U-CI), ka ho kenya lintlha tseo sebakali ka seng se tla beng se li fumane kamor'a litlholisano. A re litlholisano tsena tsa Lesotho tsa Machaba li buletsoe lipapalmi tsohle

ka mekhahlelo ea tsona ho tsoa kahare le kantle ho naha. Ka hona sena ha sena ho matlafatsa mokhatlo feela empa le moruo oa naha, kaha lipalami le batho ba tliil'o tšehetsa lipapali tsena ba tloha linaheng tsa habo bona ho tla naheng eo litlholisano li tšoaretsong teng. "Mona re bua ka litaba tsa bohahlaoli kaha papali ea libaesekele e se litlholisa-

no feela empa e kenyeletse le bohahlaoli, 'me ho tla tsoa hore na re ikemiselitse joang re sebetsa re tlamahane le Lekala la Bohahlaoli, e le hobane melemo e mengata e ka fumanoang ke mokhatlo oa haeso le naha lipapaling tsena tseo e leng tsa bohlokoa haholo." A rialo. O tiisitse hore litlholisano ke tsa boemo ba machaba, 'me Mazenod ho tla lubeha

mafelong ana a beke ha lipalami li tla be li qothisana lehlokoa ho se ngoane mtle! O bontšitse hore haba khethe nku ka pere mojang ona, kaha o buletsoe lipapami tsohle kahare le kantle ho naha, ho tloha ho bana ba lilemo li leshome ho ea fihla ho metsofe. H'a tsoelapele o hlalositse hore bana ba Basotho ba bonahala ba ena le lerato le thahasello e kholo ea pa-

pali. Ka hona sena se tliil'o holisa papali ea libaesekele haholo. A re mohloli oa litlholisano tsena ea lebelletsoeng ka thahasello e kholo ho tla sireletsa sekola ke Kabelo Makatile ka ho banna. Haele ka ho basali ke Pontšo Makatile. A supa hore le ba qalang ho kenela litlholisano tsa mofuta ona le bona ba amohelehile, hobane se hlokalalang sa bohlokoa ke thuto le ho holisa papali. A hlalosa hore ntle le tlholisano mokhatlo o tla keteka letsatsi la FCL e le ho hetla morao ho ikhopotsa nalane ea eona, moo mokhatlo o neng o ile oa ba le baetapele ba 'maloa, empa hajoale o ngotse nalane ka ho,ba le moetapele oa pele oa mosali e le Mofumahali Agnes Selepe ea keneng lieteng tsa Monghali Makatile Rammotang. Rammotang o ne a hlahlama Monghali Sehaole Mpopo e leng neheletsano ea mosebetsi ea lilemo tse ngata. Leha ho le joalo, banana le basali ba bonahala ba fokola haholo papaling ea libaesekele, 'me mokhatlo oa FCL o sa tsoa qala lenane le lecha la ho khothaletsa hore ba kene ka bongata papaling ena. Tebello ke hore ba tla kene-la mojao ona ka bongata mafelong ana a beke e le ho holisa papali ea libaesekele.



Likuena e pannoe le Meyna

Tšeliso Thakholi

Sehlopha sa Naha sa Bolo ea Maoto sa Likuena, se tla e lata letailane Naheng ea Niger moo se tlang ho lebanya thebe le sa Meyna ka la 21 Loetse monongoa, lipapaling tsa leoto la pele la ho phunyeletsa ho ea Mohopeng ea AFCON 2027, tseo e tla beng e le lekhetlo la pele li tsoaroa ke linaha tse tharo e leng Kenya, Uganda le Tanzania ho tloha ka la 19 Phupjane ho isa la 18 Phupu 2027.

Ke lihlopha tse 48 kaofela tsa linaha tsa Afrika tse aratsoeng ka mekhlalelo e 12 e leng A ho isa ho L, tse tlang ho bapala isao ka Phupjane ho isa ho Phupu. Sehlopha sa Naha sa Likuena se Mokhahlelong oa A moo se pannoeng le Niger, Gabon le Morocco e sa tsoa khutla litšiba ho lla tse ka mahafing lipapaling tsa Mohope oa Lefatše e bile e le bona ba sireletsang Mo-

hope oa AFCON.

Sehlopha sa Likuena ha se khutla Naheng ea Niger, se tla amohela sa Morocco mona hae mabaleng a Afrika Boroa ka la 6 Mphalane 2026. Haele ka la 9 Pulungoana se tla leba Naheng ea Gabon ho ea bapala leoto la pele, ebe sebakala leoto la ho qetela le eona koano hae ka la 17 Pulungoana 2026.

Ho feta mona e tla boela e isana holimo le tlase le Niger e le papali ea ho qetela le eona ka la 22 Tlhakubele 2027, ebe mafelong a eona khoeli eo ho boetse ho tlola litlhase ha e tla be e koebana le Morocco habo eona. Ho sa le joalo mokoetlisi oa Likuena, Monghali Atang Bob Mafoso o e ntse liphetoho tse seng kae sehlopheng sa naha, ka ho se matlafatsa ka makeja-kejane a sa ntseng a le phaka li metsi ho tla e hlanaka lipapaling tsena.

Ka hona sehlopha sa naha sa nakoana se kenyeletsang libapali tse ncha ho lithibathibane se bopiloe

ka Sekhoane Moerane ea seng a bapalla sehlopha sa Jwaneng Galaxy ea Botswana, Leluma mofoka le Thabo Kuleile. Ba bapalang moleng o kamorao ke Fusi Matlabe, Itumeleng Falene, Katleho Koeane, Lebesa Lebesa, Lebusetso Mofokeng, Lepheane Mofolo, Mellere Lebetsa, Mohlomi Makhetha, Rethabile Mokokoane, Thabo Makhele le Tlotliso Mapola.

Ba bapalang moleng o bo-

hareng ke Kananelo Rapuleng, Khubetsoana Kamele, Koketso Khajane, Lehlohonolo Fothoane, Morena Moloi, Neo Mokhachne, Senatla Monyane, Thabo Khechane, Thabo Mafatle, Tšepo Toloane le Tumelo Makha. Haele ba bapalang moleng o kapele ke Bonang Mohapi, Jane Ntobane, Lemohang Lintša, Mofihi Mabokoane, Motebang Sera, Mpho Teele, Teboho Letsema le Thabiso 'Mari.

Sehlopha sena se kene kampong ka Mantaha bekeng ena ho qalella boitokisetša ba lipapali tsa Mohope oa AFCON 2027, 'me ba ntse ba le li tekong tsa ho hofihlela libapali tse 25 ka palo, tseo mokoetlisi a tlang ho likhetha e le tsona tse tlang ho e hlanaka lipapaling tsena. Ke lekhetlo la pele mokoetlisi Bob Mafoso a tla be a qala ho bapala lipapali tsa AFCON e se e le mokoetlisi, ha pele a ne a sebetsa e le motlatsi oa mokoetlisi oa mehleng e leng Lesley Notši.



Lifofane e phutla ka o metsi

Tšeliso Thakholi

Sehlopha sa Botha-Bothe sa Liki e Kholo ea Vodacom sa Lifofane 'Ibhanoyi' se bopiloeng ka bahlankana ba tlaase lilemong, se ile sa bapala papali ea setsoalle ea machaba le sa Kaizer Chiefs sa mokhahlelo o ka tlaase oa Liki ea Diski Challenge Teams, moo se ileng sa phutla ka mokotla o metsi, ha se ne se khakhathoa 3-1 habo sona ka pela bat'sehetsi ba sona ba neng ba tletse lebala tsoite! Papaling e bileng matla haholo Lebaleng la Setsoto, Maseru, ka la 2 Phato monongoa.

Le hoja papaling ena Khotso Moleko a ileng a hla a tsohella ka letanteng a hlabela Lifofane ntlha pele, e leng eona e ileng ea fa Lifofane matla le morolo oa hore e tla hapa papali ena. Kaizer Chiefs e ile ea khutla ka matla a maholo hoo Jansen Doney a ileng a lekanya lintlha ea eba 1-1 'me tsa ea khefutsong li lekana. Metsotsong e 'meli feela ea karolo ea bobeli ea papali Kamogelo Malefo ke ha a hlaba ntlha ea bobeli ea Kaizer Chiefs.

Ke eona nakong ena moo Freese Egan oa Chiefs a ile fuoa karete e khubelu ka lebaka la ho bapala ka

bohlasoa sebakali sa Lifofane. Bosieo ba Egan ha bo oa ka ba tsitsinya Chiefs ha hang, ho ba e ne e iketsetsa borata ka Lifofane hoo Jansen Doney a ileng a boela a e ketsa ka ho hlaba ntlha ea boraro metsotsong ea ho qetela ea papali, 'me itse ho ba hang ntlha e kene molet-saphala a e bulula hararo ea ba papali e fela e le 3-1.

sehlopha se matla se tlang ho sebetsa hantle lipapaling tse tlang ho qala tsa Liki e Kholo.

A re le hoja ba lahlehetsoe ke papali ena morero oa bona oa ho ithlopha le ho bona hore na bahlankana ba bacha ba tla sebetsa joang ba o fihletse. "Roma ha ea ahoa ka letsatsi le le leng, ka hona re le sehlopha

'maloa tsa setsoalle pele liki e qala.

A supa hore ba tlameha ho ba le sehlopha se matla se tla tseba ho hlolisana le lihlopha tse ling tsa Liki e Kholo tseo ba tlang ho qothisana lehlokoa le tsona. A tiisa hore papali ena ea setsoalle ke nt'setsopele ea ho matlafatsa sehlopha, ke ka lebaka lena ba qa-

nepahetseng nakong eo a tlabeng a li sebelisa lipapaling tsohle tsa liki.

A phethela ka hore Lifofane e ikemiselitse ho tla e hlanaka ha lipapali tsa liki li qala, 'me sehlopha se sa ikatelang se tlii'o kopana le pela lifalla. Sehlopha sa Lifofane leha se ile sa qala liki ngoahola se li hula pele, empa se qetelletse se le boemong ba bone ka ho hapa lipapali tse 17, sa lahleheloa ke tse t'seletseng sa



Ho ea ka raliphatlalatso oa Lifofane Monghali Teboho Ntoane morero o moholo oa lipapali tsena tsa machaba tsa setsoalle, e ne e le ho ithlahloba le ho aha

morero oa rona ke ho bopa sehlopha se matla se tlang ho sebetsa hantle liking." A rialo a bile a eketsa ka hore morero ke ho tsoelapele ho bapala lipapali tse ling tse

lileng karolo ea papali ba bapalisa libapali tse ntseng li le ncha lilemong le kahare ho sehlopha, e le ho etsa hore ho tle ho be bobebe ho mokoetlisi ho etsa khetho e

bokeletsa lintlha-kholo tse 57 ka mokotleng. Ke lihlopha tse tharo feela tse ileng tsa lahleheloa ke lipapali tse t'seletseng tsa liki ngoahola e leng LDF, Lioli le Lifofane.